

peccatis facientibus rari sunt operarii in messe Domini¹. Sed quo rariores inveniuntur, 794—800
eo magis necesse est, ut illi, qui sunt, omnimodis iugi sanctae praedicationis studio<sup>Cf. Matth. 9, 37;
Luc. 10, 2.</sup>
ab errore vitae et superflua multarum consuetudine vanitatum ad modestiam sobrietatis
et castitatis exercitium revocare studeant^a.

5 Non taceat os sanctitatis tuae evangelicae veritatis verba nec apostolicae doctrine
seriem nec sanctorum patrum mores nobilissimos, ut multi per tuam sanctissimam
devotionem erudiantur et tibi multiplex, deo Christo donante, merces maneat in aeter-
num. Non potestas regalis nec arrogantia cuiuslibet secularis sublimitatis tuam pro-
hibeat a veritate vocem. Non adulatio^b subsequentium², non secularis luxoriae pompa,
10 non deceptibilis auri species, nec ulla terrenae delectationis voluptas cor sanctitatis
tuae a fiducia studiosi laboris subtrahat, sed omnibus in te lux veritatis luceat, et via
salutis aeternae ostendatur. Pauci sunt huius vitae dies^c laboris; et qui plus laborat,
plus mercedis accipiet, sed celestis beatitudinis remuneratio temporibus permanet
aeternis.

15 Omnipotens Deus tuam sanctam et venerabilem paternitatem ad exaltationem
sanctae suae ecclesiae multis feliciter annis vivere et proficere concedat, carissime pater.

190.

*Alcvinus Petro archiepiscopo Mediolanensi ob paternam benevolentiam gratias agit.
Liudgardae munera commemorat.* 794—800.

Codd. H fol. 7—7', (A 1) A 1 p. 64—65 nr. 42^a.*

20 *Edd. F 196, J 131. — Migne col. 440.*

SANCTISSIMO PATRI PETRO ARCHIEPISCOPO³ HUMILIS TUAЕ CARITATIS ALBINUS^b
FILIUS SALUTEM.

Dulce mihi est saepius tuae scribere reverentiae^c, pater optime, si portitorum
fides et oportunitas adfuisset. Tamen si carta non currat, caritas non dormitat, sed
25 suaviter vigilat et salubriter memorat paternitatis vestrae pietatem, qua me licet
minus dignum in filii dignitatem suscepisti, familiaritate fovisti, ammonitione roborasti.
Quae omnia pius cunctorum remunerator bonorum aeterna tibi mercede retribuere
dignetur^d.

Liudgarda vero, femina religiosa⁴, Deo fidelis et regi, scutellam argenteam et
30 unum storacen in aelymosynam sui vestrae sanctitati direxit, ut videatur dividendum
secundum voluntatem Dei. Et quia ego, filius tuus, mediator in hac legatione sum,
obsecro, ut eam in filiae dilectionem suscipere digneris. Habet enim voluntatem
bonam prodesse^e servis Dei et sanctae suae ecclesiae. Quapropter diligentius depre-
camini pro salute et prosperitate illius, ut divina illam gratia longeva custodiat sospitate.

35 ^a) studeat H. ^b) adullatio H. ^c) dierum H.

190. ^a) Epistola Albinus magistri ad Petrum archiepiscopum A 1. ^b) Alb H. ^c) reven-
tia H. ^d) cetera om. A 1. ^e) prodisse H.

1) Cf. supra ep. 129 p. 192: Similiter et per ecclesias Christi perierunt doctores veritatis.

2) Cf. supra p. 167 l. 22.

3) Mediolanensi 784—803, qui et ipse a. 794. synodo Francofurtensi cum

40 Alcino interfuit, cf. supra p. 313.

4) Cf. supra p. 94 n. 1.